

Adwave bantu pesakit buah pinggang

SATU konser amal untuk mengutip dana bagi Yayasan Buah Pinggang Kebangsaan (NKF) akan diadakan di Dewan Tunku Syed Putra (DTSP), Universiti Sains Malaysia (USM) Pulau Pinang pada 31 Mac ini.



Acara tersebut dikendalikan pelajar tahun akhir Pusat Pengajian Komunikasi, USM menerusi program Adwave 2012 atau singkatan kepada Pameran Pengiklanan Pemenang Anugerah sebagai aktiviti kemasyarakatan mereka.

Menurut Pengarah Projek Adwave 2012, Jacqueline Khoo, 'Love Alive Charity Concert 2: Pride of Malaysia' (LACC2) itu merupakan program kerjasama antara pihaknya, NKF dan Kelab Rotaract Pulau Pinang.

Katanya, konsert tersebut membariskan bakat-bakat tempatan seperti pemenang tempat kedua Astro Star Quest, Zhao Jie Ying; Beatboxer U Shane, Elton Lau Han Jie serta persembahan kumpulan Jazz Band USM.

"LACC2 juga akan membariskan beberapa lagi bakat muda berbilang kaum yang akan membuat persembahan bagi menjayakan konsert amal ini.

"Tiket untuk menyaksikan konsert ini hanya RM30 seorang atau RM10 bagi pelajar, dan semua kutipan akan disalurkan ke tabung NKF," ujarnya.

Tambah Jacqueline, pihaknya mensasarkan untuk mengutip kira-kira RM100,000 dan berharap masyarakat termasuk dari luar Pulau Pinang sudi tampil menyokong program amal tersebut.

"Sebarang pertanyaan boleh diajukan kepada Jawatankuasa Adwave di talian 016-453 8183, 016-412 4709 (Husna) atau menerusi e-mel kepada adwave2010@gmail.com," ujarnya.